



憶雲詞
附詩詞補遺





叢書集成

初編

主編者
王雲五

商務印書館發行

WD



001100526577

詞 雲 憶

附詩詞補遺



項廷紀撰

本館據榆園叢刻
本排印初編各叢
書僅有此本

憶雲詞序

蓋聞雍門揮弦。孟嘗君爲之掩泣。桓伊撫箏。謝太傅因而殞泪。有觸斯發。殆有不能自己者乎。予自悼傷以來。每讀昔人哀怨之詞。則萬感之交集也。今秋、杭州許邁孫先生重梓其鄉人憶雲生所爲詞四卷。而命予序之。予觀其字必色飛。語必魂絕。雖皆緣情綺靡之作。感遇怨悱之旨。而使人鏘鏘洋洋。悽然以思。黯然而悲。凡吾身之所直。目之所接。纏絲悱惻。煩冤鬱積。低徊而不能自言者。皆若於是編具焉。楚之騷耶。庾之賦耶。抑漆室之嘯。而韓娥之歌耶。雖然。予聞之邁孫。憶雲生家世王謝。富埒陶衛。則夫吳簫乞食之辱。皋廡賃舂之勞。固知免矣。然而奇律莫采。逸步終蹶。茵溷飄泊。關河棲屑。洗馬度江之歎。琅邪登山之慟。故以印追往古。俯感來禩。况乎非介推之隱。而

竟罹焚山之災。異湘纍之放。而幾有懷沙之厄。積恨銷骨。古愁塞骨。越嗌自哀。湘血彌豔。其志其遇。蓋可悲也。嗟乎。不爲無益之事。何以遣有涯之生。中自語此其詞之所由傳歟。且夫瓠梁託弦以流音。思同調也。中山聞樂而屑涕。感曼聲也。僕本恨人。矧當瑟尻。水僊不來。孤唱誰蘇。山鬼獨笑。對景忽絕。目送浮雲。心傷逝川。寄愁何處。蕙憂無地。撫斯卷也。詎能不懷東山而斷腸。望西麓而獻弔者哉。若夫以代興之才。而爲起廢之舉。篤曠世之誼。而抱絕軫之痛。補白石之小傳。訂碧山之遺音。如吾邁孫者。尤近代所罕覩矣。憶雲生安在乎。吾將具杯酒以告之。光緒癸巳秋九月金匱鄧濂

項君小傳

清 仁和譚 獻撰

項君鴻祚。字蓮生。錢唐人。道光十二年舉於鄉。家世業鹽筴。至君漸落。性湛然者古。嘗避喧南山。讀書僧院。就泉看山。無復塵念。姊婿許文恪公視學江西。君偶從之。一日游百華洲。意有所感。輕舟徑歸。不以告也。君文辭爾雅。詩不多作。善填詞。幽異窈眇。浸淫五代兩宋。而擷精弃滓。好儼溫韋以下。小樂府津逮艸窗、夢窗。蹊徑既化。自名其家。談者比之江淹雜體詩云。手訂詞藁。矜慎多芟削。最後存憶雲詞甲乙丙丁藁四卷行於世。先是家被火。室燬。奉母應文恪之招於京邸。途次遇水。母與從子皆道歿。君蒼黃歸。幽憂疾病不自振。既再上春官。被放。輾軻久。遂卒。時道光十五年也。君詞藁自序。一則曰。不無累德之言。抑亦傷心之極致。再則曰。不爲無益之事。何以遣有涯之

項君小傳

生。嗚呼悲矣。君原名繼章。改名廷紀。卒年二十八歲。

憶雲詞甲稟自序

憶雲生自束髮學填詞。少作存若干首。夫詞者。意內而言外也。意生言。言成聲。聲分調。亦猶春庚秋蟄。氣至則鳴。不自知其然也。生幼有愁癖。故其情豔而苦。其感於物也鬱而深。連峰巉巉。中夜猿嘯。復如清湘戛瑟。魚沈雁起。孤月微明。其窅窅幽淒。則山鬼晨吟。瓊妃暮泣。風鬟雨鬢。相對支離。不無累德之言。抑亦傷心之極致矣。一二知者。彊拊我於名勝之後。雖復悄然自疑。而學之愈篤。今乃削墨胥山之雲。滌筆娥江之水。次爲新編。以吟以歎。謂之甲稟焉。癸未小除夕雨

中書

憶雲詞甲彙

清 錢唐項廷紀蓮生撰

清 仁和許 增邁孫校

點絳脣

秋意

夢怯秋清。小屏題徧相思句。露濃如雨。不響梧桐樹。采藥闌空。是
舊吹笙處。愁凝佇。暗蛩無語。涼月隨人去。

浪淘沙

元夜有懷

綠酒負金蕉。疊鼓春宵。小屏風底暗香焦。閒夢一牀推不去。夜夜楓
橋。往事只魂銷。雙鯉迢迢。梅華與我兩無聊。賸有眉樓弓樣月。還

憶吹簫。

減字木蘭華

湖上春游

清明過了。小雨綠勻隄外艸。倚櫂湖邊。絮影華香共一船。相思人面。曾向第三橋畔見。斜日歸休。樓上春寒燕子愁。

東風第一枝

春陰

更不成晴。何曾是暝。飛絲搖漾殘晝。麴塵低蘸。亭蕪茶煙細籠院柳。釀華天氣。早釀得春醲如酒。莫妨他油碧芳期。容易雨疏風驟。縈絮粉模鈿鴛鴦。鋪棟雪迷離翠岫。癡雲著意商量。湘波幾重皺皺。禁寒作煥。想未管綠鸞嗁瘦。怎知人盡日懨懨。悶過海棠開後。

聲聲慢

春聲擬竹山

賣錫小巷。搗鼓深閨。合成一片春聲。暗逗芳心。長隄隱隱車聲。二十
四番風訊滿。西湖吹散歌聲。游倦也。正畫樓夜雨。滴碎檐聲。又是
紗窗曉霽。問驚回香夢。誰簸錢聲。燕語鶯啼。中間卻帶鶉聲。莫更訴
愁不住。怕落華飛盡無聲。華自落。減秋千牆裏笑聲。

百字令

春雨閉門。悵然成詠。

今年春事。又匆匆過了。畫簾吹絮。晝掩薜蘿深院靜。愁鎖一庭香雨。
蔭碧池塘。鬧紅臺榭。都是鳩啼處。遠山凝翠。有人還憶眉嫵。回想
趁月移船。臨風擫箏。多少閒情緒。卻是旗亭華落後。盡亂酒邊殘譜。
巷陌錫簫。寺門茶鼓。總負尋芳侶。斷腸無那。錦屏題徧新句。

東坡引

闌干愁倚徧。幽懷怎消遣。看華悄步閒庭院。海棠開一半。海棠開一半。綠窗自掩。珠簾還卷。羅帳揭。香衾展。繡奩未整熏鑪煥。如何人不見。如何人不見。

河傳

秋雨

秋雨千縷灑方塘。欹枕西堂夜長。梧桐葉兒風打窗。新涼薄衾閒半牀。愁裏畫屏天樣遠。銀燭短。夢也無人管。怕相思。越相思。除非影兒權作伊。

南歌子

卓女鑪邊酒。崔孃畫裏人。一餉楚臺春。端詳依舊是瘦腰身。

綺羅香

感舊

簾影移香。池痕浸綠。重到藏春朱戶。小立牆陰。猶認舊題詩句。記西園撲蝶歸來。又南浦片颿初去。料如今塵滿窗紗。佳期回首碧雲暮。華年渾似流水。還怕嗁鶂催老。亂鶯無主。一樣東風。吹送兩邊愁緒。正畫闌紅藥飄殘。是前度玉人凭處。賸空庭煙艸淒迷。黃昏吹暗雨。

臨江仙

有限春宵無限夢。夢回依舊難留。淚珠長倚枕函流。書來三月尾。鐙盡五更頭。見說而今容易病。日高還掩妝樓。桃華臉薄不禁羞。瘦應如我瘦。愁莫向人愁。

東風第一枝

擬小山

鬪艸庭閒。簸錢院靜。東風吹滿香絮。薄寒尙勒華期。天意似催春暮。

杏梁歸燕。幾曾會相思言語。便等閒飛入盧家。不帶離魂同去。空
自想俊游伴侶。又煩惱酒邊心緒。鸞牋待寫深情。腸斷都無新句。初
三下九。問舊約更誰憑據。怕有人蹙損雙蛾。日日畫樓聽雨。

瑞鶴仙

擬夢窗

漏瓊侵鈿琯。正依依夢別。小坊幽院。熏衣練香軟。掩金蟬組帳。密鐙
慵翦。翠尊自煥。未相思柔腸寸斷。恨燕翎不寄雲牋。十二碧城天遠。
蔥蒨螺心。睡髻鳳眼。橫釵賦情難遣。烏絲淚滿。詩寫在舊團扇。算
唳鴉枝上。烘愁澹月。曾識秋孃半面。看今宵兩處凭闌。是誰病慣。

戀繡衾

擬艸窗

漏殘酒醒鐙半昏。被池寒檀篆自熏。想月轉牆西角。悄無人愁過夜

分。揉藍帕子餘香在。怕如今添了淚痕。夢不到梨華院。任東風吹作碎雲。

風入松

擬蛻巖

垂楊絲雨小窗前。溼粉墮香絲。東君不是繁華主。怕蔥蔥信了唬鶻。要趁棟華風起。送他桃葉舟還。每逢三月病懨懨。詩負衍波淺。連宵懶索金蕉飲。有篝鐙知我無眠。忽憶去年今夜。春寒弟幾樓邊。

南浦

詠柳

春水漲谿。渾是濛濛昨夜。楊華吹徧。走馬問章臺。長隄外和雨和煙一片。纖腰自舞。料應未識相思怨。可惜笑桃人別後。孤負年年青眼。怪他眠起無端。好光陰都付小鶯雛燕。不向陌頭看。爭知我盡日

魂銷腸斷。絲絲縷縷。幾時繫得東風轉。且去西泠橋畔等。萬一樣船重見。

水龍吟

詠敗荷

瑤池昨夜。新涼一箇。環珮秋聲碎。多應卷盡晴絲萬縷。靜香十里。驚悵盟寒。鴛鴦夢冷。畫闌誰倚。賸吳娃小艇。采芳重到。料比似人蕉萃。可是淩波僊子。嫁西風。艷妝都洗。碧筩喚酒。紅衣試舞。舊懽難記。怕點清霜。怕逢疏雨。怕隨流水。算關心。只有跳珠。盡亂作相思淚。

天香

末麗

紈扇涼輕。紗幮月靜。嫩陰淺隔庭樹。豔雪玲瓏。小蓮恩舊。清絕自然無暑。蘭姨蕙姊。可相識。蕊珠僊侶。最稱晚妝浴後。熏風暗飄窗戶。

凭闌幾番摘取。下瑤階。茜裙霑露。待翦冰絲穿就。茗甌閒貯。莫道羅
幃夜短。更攜得瓊芳鬢邊覩。一枕秋香。催人夢雨。

玉漏遲

題飲水詞後

寄愁何處好。金匳怕展。紫簫聲杳。十幅烏絲寂寞。怨琴悽調。猶憶籠
香倚醉。是舊日承平年少。蕉萃早。詞牋賦筆。半銷衰艸。最憐淥水
亭荒。曾幾度留連。幾番昏曉。玉筍蕤雲。付與後人憑弔。君自孤吟山
鬼。誰念我。嗁鶻懷抱。消瘦了。恨血又添多少。

沁園春

詠帳

卷起湘簾。是誰留住巫山片雲。愛流蘇百結。遙連步障。琉璃四角。低
壓文裯。梅影籠宵。楊華撲晝。裏許元來別有春。閒思想。自同心撒後。

不怕黃昏。輸他見慣橫陳。笑比似紅牆隔幾層。記銷金寒重。枕憐
雙粲。軟綃涼透。牀怯初分。珠絡明懸。香筩暗減。圍得柔鄉到曉溫。無
眠夜。聽珊瑚鉤響。第一銷魂。

醉太平

清涼亭聽亞雲校書彈琵琶

橋橫碧汀。山圍翠屏。小亭弦索淒清。雜谿聲樹聲。煙籠鬢青。風吹
酒醒。幾時待訪雲英。趁江船月明。

玉漏遲

聞落葉

西風無著處。如今閒了斜陽高樹。搖落江潭。一片亂雅飛去。客思吟
商最苦。更銷得庾郎愁賦。深院宇。殘螢斷雁。伴人悽楚。誰憐病枕
難禁。正颯颯吹來。蕭蕭不住。采綠前游。空有砌蛩能訴。彈指幾番怨

恨。怕化作漫天碎雨。君聽取。涼聲又驚秋暮。

綺羅香

和碧珊

借病瞞愁。判閒作夢。單枕又驚春半。小揭珠簾。隱隱似聞微歎。羅帕重灑淚成鵑。錦牋長寄書尋雁。莫因循誤了芳華。柔腸能得幾回斷。題紅前事謾省。空任香銷粉蠹。舞衫歌扇。除卻榴裙。瘦盡楚腰誰見。防夜約拜月推寒。厭晨妝蹋青嫌遠。最無情。最是飛華曉風吹不轉。

浣谿紗

詠竹夫人

慣把橫陳惱謝娘。兒家生小住瀟湘。虛名賺殺楚襄王。不爲心靈因底瘦。只愁緣盡轉嫌涼。思君欲斷更無腸。

徵招

感秋

茂陵不爲傷秋病。西風自吹人瘦。天闊雁書稀。只恨凝蛾袖。麝煙寒
易燼。賸斷夢年年依舊。離緒無端。俊游都謝。那禁杯酒。雨驟戰長
宵。梧桐樹葉葉亂捎鴛鴦。任道莫銷魂。到銷魂時候。黃華開過否。弟
一是重陽前後。拚夜闌挑盡篝燈。與影兒厮守。

齊天樂

題杞

翠鄉不煥行雲夢。如今畫屏遮斷。霜咽疏鐘。風沈斷漏。依舊謝娘難
見。涼宵曲譙。只月滿樓空。舞慵歌倦。痛惜前歡。研光裙上茜香滿。
佳期容易閒阻。自從銀漢隔。天遠人遠。燭釵閒情。船箏夜約。分付亂
蛩新雁。誰憐瘦減。料孤負年年。繡衾羅薦。願作紅綃。搵盈盈淚眼。

浣谿紗

雜憶

欲寄華牋與小蘋。空留鶯語到黃昏。幾時飛向苧蘿邨。繡被寒添
渾似水。篆鑪香燼不成雲。每思前事一銷魂。

又

曾向西池采玉游。可人天氣近中秋。半年前事到心頭。今夜夢魂
何處去。一重簾幕一重愁。重重遮斷舊妝樓。

采桑子

吳子律索看近詞。賦此答之。

霜紅一樹斜陽冷。墮葉驚蟬。衰艸如煙。倦枕支秋夢不全。浮名只
爲填詞誤。詩酒流連。華月因緣。寫入烏絲盡可憐。

卜算子

贈薄卿

華落小樓寒。客散重門靜。明月隨人出畫廊。曲曲闌干影。淺醉幾曾忺。薄睡忽忽醒。也似相思也似愁。人比秋風冷。

減字木蘭華

春夜聞隔牆歌吹聲

闌珊心緒。醉倚綠琴相伴住。一枕新愁。殘夜華香月滿樓。繁笙照管。吹得鏡屏春夢遠。只有垂楊。不放秋千影過牆。

湘月

壬午九月。避喧於南山之甘露院。就泉分茗。移枕看山。相羊狹甸。塵念都淨。出院不百步。越小嶺。卽虎跑也。嘗月夜獨遊。清寒特甚。賦念奴嬌。鬲指聲一闋紀之。

繩河一雁。帶微雲澹月。吹墮秋影。風約疏鐘似喚我。同醉寺橋煙景。

黃葉聲多。紅塵夢斷。中有檀欒徑。空明積水。詩愁浩蕩千頃。乘興
欲叩禪關。殘螢幾點。颭寒星不定。清夜湖山肯付與。詞客閒來消領。
跨鶴天高。盟漚緣淺。心事塘蒲冷。朔風狂嘯。滿林宿鳥都醒。

菩薩蠻

鯉魚風起。夫容老。金鵝屏展釭華笑。稍覺精衣單。玉人心裏寒。
瀟湘天一尺。蹙破眉峰碧。箏雁不能飛。悔將情訴伊。

浣谿紗

秋夜夢偕數客過趙氏小山堂。分韻賦落葉詞。余得斜陽一
樹待雅歸之句。一座擊節。主人淒然泣下。醒而忘其全。因足
成之。

淺幘涼尊事已非。西風催換薜蘿衣。小山堂下舊人稀。秋水滿塘
隨鷺宿。斜陽一樹待雅歸。再來惟有夢依依。

高陽臺

弔舊曲

麝帶愁香。犀帷夢玉。金猊煖壓氈氍。病怯朝眠。涼雲吹度平湖。畫橋
煙鎖分攜路。正馬嘶殘雨荒蕪。更銷凝。鶯老華稀。雁到書無。離情
不恨吹橫箏。恨琴邊枕瘦。酒後鐙孤。側帽垂鞭。臨風可柰清臞。綠楊
天半紅泥閣。數舊人惟有箏奴。待重游。怕聽鉤闌弔月唳蛄。

江城明月引

是誰深院夜調笙。霧冥冥。月盈盈。過了燒鐙時節。峭風輕。幾日後堂
新攏鎖閒。繡譜冷。緗奩掩畫屏。畫屏畫屏最無情。天又明。寒漸生。
喚也喚也喚不應。一枕春醒偏我銷魂。人聽賣華聲。碎翦夢雲裁恨
句。尋曉燕盼昏雅寄與卿。

點絳脣

一樣東風。杜鵑催去鶯留住。澹煙微雨。春在華飛去。彈指光陰。又是佳期誤。長亭暮。恨無重數。芳艸天涯路。

朝中措

翠蛾輕暈鬪春紅。香煥燕泥融。攪鼓新煙院落。吹簫澹月簾櫳。清明過了。華朝過了。宿酒頻中。幾日小屏閒睡。綠陰更比愁濃。

醉太平

有憶

詩魔酒魔。愁過病過。撩人一段橫波。喚卿卿奈何。池喧綠荷。牆圍碧蘿。驟涼亭院風多。近黃昏睡那。

又

朱顏醉醺。青衫淚多。一生閒裏消磨。問人生幾何。新詩細哦。華梢日晷。點鐙時候難過。掩紗窗夢佗。

燭影搖紅

元夕臥病不出

疊鼓收寒。試鐙風小珠簾卷。玉梅消瘦倚窗枝。蟾月窺人淺。十里銀
笙鈿管。簇行雲銅街繡輦。不如休去。華影重門，繁星一院。誰念何
郎。宿醒未解吟詩倦。枕屏清淚濺瀟湘。蜜炬香心短。閒裏華年自換。
漏沈沈天長信遠。春眠困頓。猶夢婆娑舞蔥歌棹。

玉樓春

春夜海棠華下作

燕子來時天已暝。海棠開後寒猶勁。片雲籠月月籠華。華下珠簾簾
外影。銀燭點殘芳酒冷。荼蘼枕上餘香艷。玉兒春睡太瞢騰。一夜
東風吹不醒。

清平樂

池上納涼

水天清話。院靜人銷夏。蠟炬風搖簾不下。竹影半牆如畫。醉來扶
上挑笙。熟羅扇子涼輕。一霎荷塘過雨。明朝便是秋聲。

浣谿紗

閨中銷夏詞

娟娟風前玉一枝。銷魂人愛比肩時。素馨華壓鬢雲垂。午枕生涼
便楚簟。夜鐙敲雨試滇碁。些兒閒事又眠遲。

又

鏡檻書牀共綠陰。蕙鑪煙裊晝愔愔。蕭閒不受一塵侵。玉雪輕甌
挑茗眼。烏絲小字習琴心。更攜紈扇索新吟。

齊天樂

聽雪

金鈴犬吠籠鸚睡。紗窗驟添寒緒。斗帳圍香。篝燈倚燠。預覓探春新句。吟情正苦。更索索疑風。蕭蕭似雨。謾搗紅冰。相思卻到斷腸處。東闌有人步玉。恨鋪平薛徑。好事偏阻。雁闊書稀。烏棲檐靜。凍澀五更更鼓。纔聽又住。怕壓損階前小梅一樹。向曉開簾。滿天都是絮。

摸魚子

殘春湖上薄游

正鴛機華明晝錦。雨絲織到愁處。杏鈿狼藉青蕪國。前度鳳鉤香污。湖上路。問孤負良辰美景誰院宇。殘簫倦鼓。賸占岸輕橈。垂簾小榭。煙柳短橋暮。空贏得采壁留題秀句。淒涼醉玉風度。舊時繫馬門前樹。一片綠陰吹霧。聽燕語。謾說道薔薇後約今在否。銀箏自譜。儘付與紅兒。酒邊緩唱。忍淚看春去。

太常引

野桃開後柳飛絲。長自負春妍。費盡買華錢。禁多少風天雨天。碧
城十二。紅橋廿四。往事總淒然。夢也不曾圓。只檐月看人自眠。

蘭陵王

春晚

晚陰薄。人在荼蘼院落。秋千罷。還倚鎖窗。華雨和煙冷銀索。近來情
緒惡。遮莫青春過。卻單衣減。沈水自熏。酒病經年怯孤酌。低低燕
穿幕。任淺綠綃紅。心事難託。柳絲倚夢輕漂泊。歎衾鳳羞展。鏡鸞空
掩。思量睡也怎睡著。恨依舊寂寞。妝閣閉魚鑰。怕唱到陽關。簫譜
慵學。夜占蛛喜朝靈鵲。只目斷千里。錦颿天角。玲瓏簾月。照見我又
瘦削。

祝英臺近

自題填詞圖

憶雲詞甲彙



展香牋。斟綠醕。相對兩眉嫵。笑問多情甘作小紅否。幾曾奉旨填詞。
偷聲減字。便消受華年一度。自吟苦。任教采壁旗亭。爭唱玉田句。
金縷琵琶。嗚咽怨秋雨。可憐青兕。今生封侯無分。儘修得劉郎華譜。

憶雲詞乙稿自序

余嘗集癸未以前之詞爲一卷。自序而刻之。甲申至今。四五年來。復得數十闕。因次第成績彙編。以甲乙從吳夢窗例也。近日江南諸子競尙填詞。辨韻辨律。翕然同聲。幾使姜張頰首。及觀其箸述。往往不逮所言。而弁首之辭。以多爲貴。心竊病之。余性疏慢。不能過自刻繩。但取文從字順而止。削彙旣竣。仍自識數語。雅不欲與諸子抗衡。又何敢邀名公鑒賞耶。

戊子十一月十七日小墨林書

憶雲詞乙稿

南浦

春水追和張玉田韻

一片縠紋柔。釣船開。畫出銀塘初曉。華雨颺微瀾。東風靜。鏡裏山眉
濃掃。皺紅皺碧。樓臺倒影朱闌小。幾日鴨頭新漲。煥沁溼護隄芳草。
最憐賦別江郎。正綠波南浦。銷魂未了。雙槳送桃根。眠漚認。還是
湔裙會到。相思渺渺。武陵重去僊源悄。柳下輕萍纔數點。昨夜絮飛
多少。

高陽臺

詠馬湘蘭硯。硯背有雙眼。并王百谷小篆星星二字。馬自銘
云。百谷之品。天生妙質。伊以惠我。長居蘭室。

豔曲題裙。

明鄭之文作白練裙院本。演百谷湘蘭故事。

清聲碎玉。

湘蘭理髮。墮一寶釵。徐語侍兒日久不聞碎玉聲矣。

消磨何限歡

場。俠骨飄蕪。當時留贈蕭娘。雲腴鏡得如人膩。掃輕塵澹寫瀟湘。好收藏。小字星星。舊署王昌。

銀鈎慣寄相思札。問頭陀知否。

百谷有小印曰王頭陀。

宿願應償。淚眼盈盈。紅絲

不繫柔腸。可憐片石經塵劫。數秣陵遺事蒼涼。最難忘。煙月妝樓孔

雀庵旁。

湘蘭故居在金陵孔雀庵側。

疏影

餅梅

南枝凍折。映秋屏素几。還帶殘雪。縹粉新姿。留貯春痕。不管麗譙吹徹。金尊記向西園醉。甚容易酒闌歌闋。正相思忽到窗前。小占畫幃香月。休憶宮檐舊事。無風先自墮。幽恨層疊。倚徧危闌。夢徧重衾。不是籬邊時節。一般也有橫斜影。伴寒夜短檠孤絕。怕倩魂空繞羅

浮。卻是故人初別。

浣谿紗

青粉牆低柳倚門。疏簾斜入燕尋人。最難消遣是深春。閒凭繡牀
思夢笑。怕繙簫譜見嗁痕。櫻桃華下又黃昏。

齊天樂

宿雨初收。春游尙阻。賦此遣懷。

溼雲初放紅樓曉。絲絲雨殘猶隕。澹寫山眉。輕籠日腳。笑我清游無
分。餘寒尙緊。任纔過春分。海棠吹盡。忽憶蘇隄。香泥多少。鞦韆塵印。
閒愁幾番自遣。一鳩啼午寂。難寄芳訊。小市評華。幽坊換酒。誰念煮
茶風韻。蟾蜍硯潤。記采壁題名。舊時疏俊。待約明朝刺船應未穩。

點絳脣

秋晚登吳山邃秀堂。王道士芳谷留飲。至月上。

雨後鳴蟬。晚天雲破。柴窰碧。道人留客。一笑綸巾側。缺月飛來。挂在疏林隙。秋無迹。倚闌橫篴。酒醒微涼入。

謁金門

湖上暮秋

秋水漫。鴨陳怯。波分散。烏柏紅飛。霜葉亂。夕陽山一半。雲被晚鐘敲斷。兩兩歸舟相喚。煙月滿。湖人不管。畫橈齊占岸。

減字木蘭華

江干雪意

雲低天重。銀海無聲。千頃凍。一抹炊煙。凝在疏林小市邊。詩情跌宕。何必灞橋驢背上。乘興來游。更著蓑衣喚釣舟。

菩薩蠻

春靜

春寒不度垂楊樹。風簾澹澹吹香絮。霏雨午天晴。隔華聞笑聲。嫩
篁微解籜。鏡檻新陰薄。斷續水沈煙。燕窺人晝眠。

燭影搖紅

鐙下聽琴。嬾吹洞簫。窗外雨聲閒作。

潤澀琴絲。暗敲窗竹。人初定。膽竈清瘦。小桃枝。屏底娟娟影。象局嬌
嫌袖冷。倚瓊簫。閒銷夜永。紅牙按到。自琢新詞。緩吟細聽。搖曳無
端。恰如煙裊。沈香鼎。曲中約略度殘更。浙浙檐聲靜。錦瑟華年。謾省。
笑。何曾柔鄉醉醒。歌樓銀燭。第一難忘。恁時風景。

菩薩蠻

彈琵琶

檀槽細響。龍香撥。玉纖攏袖雙條脫。深院落華天。鶯啼楊柳煙。
驟如風雨歇。萬里關山月。眉黛一痕愁。湘雲入鬢流。

朝中措

秋海棠

片時春睡夢難尋。重見短牆陰。一樣綠肥紅瘦。斷腸偏是而今。燕
支澹注雨中人。遠畫裏愁深。倚醉漫燒銀燭砌。蛩訴出秋心。

攤破浣谿紗

渡江作

爲有雲屏無限嬌。碧紗如夢看吹簫。銀燭翦殘華氣煥。憶春宵。半
醉半醒何處去。背人獨自上蘭橈。今夜離魂隨別恨。趁回潮。

太常引

客中聞歌

杏華開了燕飛忙。正是好春光。偏是好春光。者幾日風淒雨涼。揚
枝飄泊。桃根嬌小。獨自箇思量。剛待不思量。吹一片簫聲過牆。

洞仙歌

得家書

櫻桃帶雨。近窗櫺低亞。閒裏恁恁過春社。正高城畫角。吹夢無端。天
漸曉。夢到水精簾下。夢殘鸞喚起。卻道書來。小印分明玉人寫。冷
語最銷魂。華待郎歸。待郎歸可憐華謝。若留得西湖柳絲兒。定說與
卿。卿似儂游冶。

虞美人

歸自越中

畫船打槳催將去。愁聽烏篷雨。越王臺上夢迢迢。人在亂鸞聲裏過
華朝。歸來重見東風面。楊柳青如綫。碧桃還有幾分留。爲我一春
湖上不曾游。

百字令

將游鴛湖作此留別

嗁鶯催去。便輕颿東下。居然游子。我似春風無管束。何必揚舲千里。
官柳初垂。野棠未落。纔近清明耳。歸期自問。也應芍藥開矣。且去
范蠡橋邊。試盟溫鷺。領略江湖味。須信西泠難夢到。相隔幾重煙水。
翦燭窗前。吹簫樓上。明日思量起。津亭回望。夕陽紅在船尾。

點絳脣

煙雨樓

白鷺飛回。綠楊絲外輕颿轉。水平邨遠。一鏡菱華滿。賦別江淹。已
是登臨倦。無人管。夕陽簾卷。風裏漁歌斷。

木蘭華慢

夜過吳江

橈聲搖澹月。正人在洞庭船。望笠澤茫茫。長隄暗柳。曾住詞仙。當年

俊游記否。喚銀簫吹綠一江煙。賸我詩愁萬頃。片帆直上壺天。流
連玉界瓊田。清露下水紋圓。怕酒醒波遠。醉魂空戀。弟四橋邊。淒然
五湖舊約。歎鱸鄉信美。尙無緣。風外魚燈幾點。夜深涼照。漚眠。

江城子

吳門夜泊

金閶門外柳千條。駐蘭橈。度涼宵。可惜涼宵都付與無聊。試喚吳孃
歌一曲。風又起。雨瀟瀟。雙鬟低映燭光搖。似華嬌。最魂銷。今夜魂
銷明日隔楓橋。城上烏啼催酒醒。人去也。自吹簫。

滿江紅

渡揚子江

鐵甕城開。何處是紫髯天下。流不盡英雄遺恨。寒濤激射。雙槳吳船
輕似燕。千尋濁浪高于馬。看危磯。徑轉妙高臺。山如畫。驟雨歇。長

虹挂。風漸緊。雲成赭。喚江斐起舞。魚龍悲咤。瓜步洲邊新月上。茱萸灣口孤颿卸。聽寺樓鐘鼓落篷窗。無眠夜。

揚州慢

廣陵舟次

脫葉辭螢。涼波送雁。繫船野岸疏林。望重城靜鎖。聽斷續寒砧。且隨分江湖落拓。二分明月。閒到如今。謾多情。紅袖琵琶。彈破愁吟。竹西舊館太荒寒。休去登臨。縱畫舫垂鐙。朱闌喚酒。都是傷心。我亦風流秦七。青樓遠有夢難尋。賸隋堤楊柳。吳霜染得秋深。

浣溪紗

紅橋步衍波詞韻

水近雷塘緩緩流。綠楊風軟不知秋。教人無賴是揚州。畫舫載來歌舞夢。玉簫吹破古今愁。舊時明月照迷樓。

三犯渡江雲

余今年二月客山陰。三月客禾中。四月七月一再至吳門。遂北渡揚子。游金焦兩山。留維揚六日。揭來故山。恍焉如夢。塵衣未浣。又爲豫章之行。登舟惘惘。叩舷而歌。彌覺旅懷之淒黯矣。

斷潮流月去。柁樓碎語。侵曉挂颿初。一行沙上雁。又被西風吹影落江湖。紅牆漸遠。拂征衣自歎清臞。最淒涼疏萍賸梗。飄泊意何如。愁余黃華舊徑。修竹吾廬。是離魂來處。料此後詩邊酒冷。夢裏鐙孤。停船莫近投書浦。況路長容易無書。歸便早。今年總負鱸魚。

齊天樂

過釣臺

畫眉喚客停船暮。空祠尙臨寒渚。絡徑藤荒。支亭石斷。茆屋兩閒誰

住。羊裘在否。算如此青山。儘容漁父。賸我閒來。綠尊聊爲酌芳醕。
登臨試尋舊迹。是參軍去國。晞髮歌處。七里灘聲。一江颿影。閱盡斜
陽今古。天涯倦旅。問何日歸休。再盟漚鷺。只恐先生厭人行役苦。

河傳

澱水道中

風轉颿卷日西斜。人在天涯。憶家疏疏柳絲攢暮雅。紅些三練波明斷
霞。休傍闌干船去泊。心緒惡。何況腰如削。酒纔醒。愁又生。誰聽琵琶
不寫停。

上西樓

蘭谿書所見

橫聲約住迴瀾。夕陽殘。人倚嫩涼。船尾小紅闌。歌一曲。橫波綠。向
誰看。香壓鬢雲。斜插折枝蘭。

霜天曉角

玉山曉行

征鐸郎當。點輕衫露涼。賣酒人家未起。殘月在柳梢黃。行裝詩半囊。夢回思故鄉。秋到屏風關外吹。一路野華香。

一萼紅

瑞洪雨夜有懷

旅魂驚。正鼃鼃催浪。彭蠡暗潮生。隔浦疏林。沿江敗葦。蕭颯齊作秋聲。壓篷背積雲似墨灑。一天涼雨雁從橫。戍角初吹。邨砦漸遠。漁火還明。何事流連吳楚。歎銷磨多少風月淒清。倦枕支愁。寒衾貯夢。客路到處傷情。想今夜孤舟漂泊。更有人樓上數殘更。應是玉釵敲斷。難問歸程。

八聲甘州

重陽游百華洲

更不須攜酒。看黃華。淒涼勝游稀。但蘇翁圃外。藏雅細柳。相對依依。
回憶西湖舊夢。秋水浸漁磯。今日登臨地。風景都非。自折茱萸簪
帽。歎沈腰瘦減。淚滿萊衣。況天涯兄弟。不似鴈同飛。誤江樓玉人凝
佇。盼歸舟。我尙未能歸。休悵望。有闌干處總是斜暉。

水龍吟

秋聲

西風已是難聽。如何又著芭蕉雨。泠泠暗起。澌澌漸緊。蕭蕭忽住。候
館疏砧。高城斷鼓。和成淒楚。想亭皋木落。洞庭波遠。渾不見愁來處。
此際頻驚倦旅。夜初長歸程夢阻。砌蛩自歎。邊鴻自唳。翦燈誰語。
莫便傷心。可憐秋到無聲更苦。滿寒江。賸有黃蘆萬頃。卷離魂去。

壺中天

灌嬰城

滎陽屯後。擁犀渠十萬。販繒人也。今日黃城餘舊壘。風雨卷旗飄瓦。
垓下追兵。潁陰封爵。功亦韓彭亞。將軍已矣。廢祠誰奠杯罌。憶昔
此地連營。臨江百雉。戰鼓寒潮打。回首斷煙衰艸外。空有荒池洗馬。
入粵弓刀。平吳歲月。且聽漁樵話。女牆猶在。亂烏啼破秋夜。

又

梅仙祠

市門再見。似千年元鶴。暫來華表。一尉居然稱吏隱。從古神仙官小。
丹井泉深。石幢苔冷。絕壁銜殘照。山中匣劍。夜寒猶自孤嘯。歎息
狐鼠從橫。論姦抗疏。心豈無廊廟。玉馬銅駝驚轉眼。愁望五陵煙艸。
嶺上吹笙。雲間飛鳥。攜手成同調。最憐佳壻。羊裘六月垂釣。

又

鐵柱宮

神州聖鐵。鑄東南底柱。地維穿破。井沸生瀾。通海氣。中有老蛟愁臥。
八索鉤連。孤根撐拄。不許狂濤簸。霓旌羽節。至今靈廟猶妥。我欲
試探重溟。螭文手拓。只赤風雷墮。斗劍星紅。蟠殿壁。十二洪鑪。積火。
挂屨遺楓。游帷舊觀。歷劫難摧挫。五丁驚詫。浮州萬古長鎖。

又

滕王閣

千年傑閣。笑三王以後。都無文筆。幸有西山看不足。天外修眉漾碧。
鳧渚雲迷。龍沙艸沒。俛仰成今昔。閱人多矣。颿檣倚檻如櫛。可惜
蛟蜃飄蕭。故宮羅綺。雨打闌干溼。莫望蓼洲東去路。愁入江樓夜筵。
勝地淒涼。倦游漂泊。鄉淚頻霑臆。馬當風駛。幾時一送歸客。

又

寫韻軒

衍波玉潤。寫銀鉤葉葉點商分羽。修到神仙貧亦好。寄食幸逢鄒舉。畫閣籠煙。湘簾映水。一硯瀛洲雨。烏絲墨妙。只今流落如許。當日鏡檻書牀。朝朝暮暮。便是瑤臺侶。甲帳繡襦甘小謫。何況世間兒女。紫極人歸。青林虎嘯。遺迹城南路。夜涼應有佩環月下來去。

又

蘇翁圃

身將隱矣。謝故人無恙。灌園差樂。世事原非吾輩了。且向南州棲託。半畝斜陽。一鉏野水。別自成邱壑。柴門土鏹。著書應是僮約。謾教車騎重來。請從此逝。高舉隨黃鵠。老圃空依徐穉宅。誰薦秋風葵藿。萬柳隄荒。百華洲冷。煙月長蕭索。舊盟溫鷺。偶然飛下寥廓。

徵招

丙戌除夕

江城幾夜聽簫鼓。看看又過除夕。擁被不成眠。更寒侵簾隙。蠟鎧搖瘦碧。弟一度淒涼今日。紅袖尊前。玉梅窗底。有人相憶。岑寂送華年。青衫上。盡亂粉香猶溼。鏡卜總無憑。斷天涯消息。可憐歸未得。怕明歲依然爲客。判檢點十萬鸞牋。記倦游蹤迹。

清平樂

元夜作

畫樓吹角。酒醒鎧華落。梅未開。殘風又惡。今日元宵過卻。更更更鼓淒涼。翠綃彈淚千行。併作一江春水。幾時流到錢唐。

菩薩蠻

偶成小令

艸薰風煥天涯路。清明寒食青春度。何處驟驕驄。玉樓人夢中。一

窗華弄影。半被餘香冷。不是倦思眠。起來依舊閒。

一枝春

早春用艸窗韻

輕暝籠寒卷簾遲。寂寞收鐙風雨。芳游謾數。不是近來心緒。梅鈿杏粉。漸看到柳枝眉嫵。空自把華惱何郎。引得翠鄉愁聚。茸窗舊時眠處。愛濃熏寶屑。閒歌金縷。龍香麝紙。記與細翻笙譜。梨雲夢煥。甚容易燕鶯嬌妬。誰更在絲障銀屏。醉聽俊語。

掃華游

寓齋海棠開時。正值風雨。

畫檐翠溼。奈幾陣餘寒。嫩紅如掃。采香徑悄。問鶯簾燕戶。賸春多少。淚染情絲。尙憶華清睡好。黯懷抱。任亭角夜深。銀燭休照。芳事虛負了。任錦障重圍。綠雲迷曉。瘦枝謾拗。便輕陰再乞。可憐華老。不是

無詩。極目江南路。杳送愁到。掩紋窗。雨斜風峭。

天香

龍涎香

玉唾含熬。珠胎濺沫。驪淵未醒癡睡。碾月肌明。鏤冰骨軟。不數鷓班
新製。銀膏淺炷。應化作鮫人鉛淚。螺甲重添活火。鱗鱗翠簾風細。
涼宵水紋浸被。漾空濛海天雲氣。更好鳳團閒對。麝塵初試。一自星
槎去遠。賸髣髴吳家斷腸字。冷抱熏鑪。蓬山夢裏。

水龍吟

白蓮

蕊僊羣按霓裳。冰肌不染人間暑。宿醒初解。穠妝淨洗。嫣然笑語。抱
月生香。淩波弄影。晚涼微步。自移根玉井。芳心更澹。只合向瑤臺住。
十里明璫翠羽。最難分野塘漚鷺。權歌聲裏。雲鬟蕩漿。煙籠似霧。

莫遣西風。片時吹作碎瓊飛舞。愛秋容豔絕。一枝開近蓼華紅處。

摸魚子

尊

又思思楚鄉秋到。吳儂清興千里。詩人但說芹羹好。何似鱸鄉風味。
明鏡裏。漾點點么荷。半卷冰絲綴。筠籃帶水。正碧薄初殘。烏菱漸老。
小摘挂船尾。槍旗展。笑比春茶上市。輸他酪乳爭美。紅鹽細糝凝
脂滑。香滿一匙生翠。因底事。應怪我經年。總未成歸計。于今倦矣。憶
蟹舍鐙前。魚牀篋外。晚飯共菰米。

齊天樂

蟬

山童莫唱青林樂。清商暗吹愁到。桐翠垂檐。槐黃糝徑。吟斷露昏煙
曉。疏簾夢覺。待寫入琴絲。和成悽調。冷落齊紈。一襟哀怨更誰弔。

年年蛻痕未換。賸西風鬢影。難寄幽抱。碧樹無情。斜陽易晚。消受淒涼多少。餘音自嫺。忍喚得秋來。頓教秋老。漫約孤蛩。背鐙啼夜悄。

桂枝香

蟹

漁莊岸側。正水落遠汀。殘霧收白。漸見香秬。刈了繡匡齊出。緯蕭夜占爬沙路。葦華深碎鐙搖碧。楚霜初飽。還愁解甲。暗隨潮汐。自玉局清吟換得。喜斫雪雙螯。同醉芳液。應是紅薑細擣。綠橙親擘。江湖歲晚無腸斷。對西風何限相憶。竹根賸雨。時時空認艸泥行迹。

點絳脣

初歸有贈

輕櫂歸來。與君重看西湖月。落華時節。彈指經年別。柳葉雙蛾。纔展東風結。相思切。酒闌歌闋。細向鐙前說。

滿庭芳

過皋園有感

巷角疏華。城灣賸水。壞牆深鎖愁煙。獸環自掩。饑雀啄落錢。風掃回廊敗葉。斜陽外。喬木依然。虛堂冷闌干。翠溼。詩壁篆蝸涎。平泉行樂地。紅羅買笑。碧玉供筵。算鏡檻夫容。猶似人妍。休問樓中燕子。有黃金難鑄飛仙。還知否。秋墳夜月。空到綠窗前。

齊天樂

南湖徐氏水樓。在慧雲寺側。倪米樓顏曰華隱。宋芝山爲之作圖。一時朋簪游讌。酬倡最多。纔十餘年事耳。近日湖山詞客。強半凋謝。惟西齋李子。猶記鴻雪舊痕。值汪又邨出示此圖。相與展卷留連。劇譚往事。前塵隱約。率爾繼聲。玉筍蕤雲。醉魂未醒。深有愴于余懷也。

碧雲低蘸紅樓影。如今倚樓人遠。賣酒鑪空。題詩壁壞。盡落粉奩香
梳。緣深夢淺。恨彈指西風。候蛩悽斷。莫問南湖。一袈裟地更誰管。
當時何限。俊侶算填詞李十。能遡權譙。巷口斜陽。灣頭賸水。記與徐
孃初見。重開畫卷。認幾曲疏簾。那回曾卷。柳已無多。曉雅啼到晚。

鶯啼序

春殘念遠用夢窗韵

晴窗峭寒驟減。掩荼蘼翠戶。曉陰薄。步履前廊。漸覺芳訊遲暮。繞闌
見將雛燕老。榆煙漠漠鶯啼樹。黯離懷。衫袂東風。乍霑飛絮。最憶
西泠畫舫。載酒倚垂楊綠霧。鈿波暎隄上宮眉。錦鱗曾寄情素。任人
閒愁深似海。儘銷入檀牙金縷。趁斜陽輕櫂。歸來不驚漚鷺。評華
小榭。待月虛簾。總未經鴈旅。何況有粉圍香陳。漏永鐙燼。擣夢生雲。
碾春成雨。京綃半臂。吳綾雙枕。如今都是銷魂處。悔無端短楫秋江

渡。旗亭悵望天涯艸。又青青采壁。淚滿塵土。鵑催碧暗。蝶怨紅稀。
歎客衣換苧。但想像鷓鴣頭睡。鵲尾熏鑪。冷落瓊臺。醉歌醒舞。思量
覓寄。同心梳子。知君應更蕉萃苦。莫淒涼長倚秦箏柱。新詞自摺筠
牋。暝寫晨吟。阿環嚏否。

憶雲詞丙稿自序

己丑冬。編次近作爲丙稿。未授梓。弊廬不戒於火。弱骨成灰。藏書略盡。遑問詞哉。夫丙位南方。火象也。丙稿垂成而燬。殆有先幾焉。嗣是疊遭家難。索居尠懽。追憶前塵。十遺八九。合寅卯辰巳所作。僅有此數。錄刊一卷。仍列甲乙之後。嗟乎。不爲無益之事。何以遣有涯之生。時異境遷。結習不改。霜華腴之賸稿。念奴嬌之過腔。茫茫誰復知者。俛仰生平。百端交集。正不獨此事而已。甲午人日記於焦琴舊館

憶雲詞丙稿

繡鸞鳳華犯

鴛鴦梅

似江妃樓東再見。冰綃搵紅淚。靚妝偎倚。占第一春風。獨步羅綺。青禽知也未。任揀取枝南枝北。雙栖明月裏。芳心冷處轉情多。修華譜合喚同根連理。窗影澹誰解畫兩般姿媚。銷魂是露寒袖薄。怎攜手無言嬌又醉。清夢覺重勻脂粉。凭闌斜照水。

玉胡蝶

玉蝶梅

錯認滕王牘。稟禁寒翅軟。膩粉輕勻。幾筆疏枝冷檠。細寫春痕。翠尊空吹殘鈿筓。金屋遠化盡羅裙。揜重門游蠶未覺。倦舞黃昏。前身

玉腰小隊。偷將絮雪。綰住梨雲。莫便驚飛。艸堂猶有寄詩人。香澹薄。可憐是夢影迷離。何處招魂。且溫存。綠陰青子難翦愁根。

鵲橋仙

卽席戲詠瓜子

薄纔勝葉。輕纔如豆。也似量珠論斗。春蔥細擘玉纖纖。儘消受。茶前酒後。相思一點。合懽雙剖。擲向檀奴衫袖。十三剛是破瓜時。怕裏許人還未有。

蘇幕遮

七夕詞

簞搖華鑪引穗。月未團圓。人有團圓意。蘭葉吹香秋旖旎。昨夜星辰。尙隔盈盈水。斷腸天。攜手地。駭女癡兒。何處干卿事。巧極可憐無巧計。依樣胡盧。明日相思起。

生查子

堂前綠玉卮。門外青絲鞵。妾淚幾時晴。郎去何曾送。小雨續輕寒。淺醉聯殘夢。睡損髻心螺。敲折釵頭鳳。

風入松

生香吹散錦熏籠。門掩綠陰中。籌華鬪艸年年事。今年怎事事疏慵。桃葉輕隨逝水。柳枝瘦舞迴風。月明應笑畫堂空。小閣睡娃僮。新愁隔斷相思路。湘羅揜難寄。嗁紅。不恨尋春較晚。可憐俱是飛蓬。

八聲甘州

黃葉樓賦夕陽

界斜紅。颺出晚晴天。相看轉悽然。甚怱怱只是橫催雁陣。低照漚眠。樹外山眉襯黛。遠道艸芊芊。一段蒼茫意。都付樊川。漢闕秦宮何處送。幾聲畫角。吹老華年。儘懽游長好。到此黯流連。倚江樓玉人凝

望帶西風帆影落窗前。愁無限。近黃昏也。新月籠煙。

臺城路

三十六鴛鴦閣賦蓼華

采香吟老蘋洲綠。疏華細垂涼穗。荇蔓分肥。蘆根比瘦。添了橫塘秋意。鉛華倦洗。怎未到飄蕭。自憐蕉萃。小立蜻蜓。冷煙紅點夕陽碎。明明翠綃聚淚。短篷凝望處。離恨難寄。怨碧江蘿。愁黃浦柳。一樣飛蓬身世。沙頭岸尾。蘸幾筆燕支。水邨圖裏。倒影漣波。欲扶扶不起。

西子妝慢

春盡聞湖上游人如織。述夢窗自度腔寫懷。

支枕宿醒。繫船冶思。細數華風餘幾。卷簾卻待燕歸來。問西湖綠陰濃未。愁羅怨綺。總不到絲華夢裏。最無情是麴塵吹粉。萍波流膩。清流地。可惜恁恁。忍把韶光棄。鼓殘簫倦送黃昏。賸淒涼六橋煙水。

聞門自閉。有誰識看華心事。正銷凝。一片嗁雅喚起。

疏影

聽琴孃彈碧天秋思之曲

天空夜寂。蕩冷雲萬頃。飛上層碧。不信人間容易西風。齊州九點煙
隔。瓊樓玉宇應難到。算惟有嫦娥知得。待月明控鶴歸來。說與此時
游歷。多事移商換徵。悄驚塵夢遠。無限幽憶。杳杳悠悠。作盡秋聲
拗折。冰弦誰惜。還愁縞袂凌波去。卻似泛清湘瑤瑟。怕淚痕暗漬金
徽。盼斷廣寒消息。

祝英臺近

鏡紅銷。衾翠擁。聲影度窗縫。斜桷鐙深。慣作隔簾夢。怪他等雁。年華
暗中偷覺。更閒把玉鉤微控。謾調弄。暫時見。也關心。何況兩情重。
誰料侵晨。雙槳渡頭送。井闌一樹梧桐。快催疏雨。好留住綠毛么鳳。

燭影搖紅

庚寅秋感

風葉堆廊。露落凝砌秋涼早。不關情處猛相思。曾印雙鴛小。彈指懽
悵似埽。翠幰空房櫳靜窈。秋千影裏。一徑薜蘿。蟻蛄嗥老。休展金
匳。淚痕猶沁新詩稿。曲屏低枕臥湘煙。紅破鐙華笑。錦瑟華年過了。
醉還醒愁多夢少。斷魂尋去。只有銀蟾夜深偷照。

浪淘沙

養疴睡石山莊

池面綠生渦。雨打殘荷。茶煙風細漾幰波。枕簟新涼人淺醉。無奈秋
何。懶去聽笙歌。心事銷磨。芭蕉聲到睡時多。紈扇紗幮休憶著。只
夢漁蓑。

臺城路

詠螢

暝煙寒颭秋星碧。低低傍簾穿戶。露洗還明。風吹不滅。團扇輕教黏住。迷藏院宇。正蟾月窺人。又無尋處。畫燭銀屏。墜懽空有碎蛩訴。清宵漏長夢阻。悄驚梧葉下。涼影飛度。瘦竹虛廊。枯蘭斷鬢。曾照離魂歸去。相思更苦。任塵黯書燈。練囊誰貯。解認前生。艸根栖暗雨。

水龍吟

魂

幾時飛上瑤京。月中環佩珊珊靜。朦朧似醉。悠揚似夢。迷離似影。眞箇曾銷。黯然欲別。淒涼誰省。寄相思只在黃泉碧落。聽一片嘒鶻冷。楚些歌殘漏永。翠簾空篆香溫鼎。梨雲罩夜。絮煙籠曉。梧陰弄暝。來不分明。去無憑据。舊情難證。待亭亭倩女前邨。緩步喚春風醒。

浣谿紗

風蹴飛華上繡茵。柳絲無力絆殘春。今年時節去年人。蟬錦暗銷
雙枕淚。雁弦愁鎖一箏塵。不思前事亦傷神。

西江月

翠被香添夜夜。瓊窗人喚卿卿。如今不是舊風情。愁醉愁眠愁醒。
倚幌疏鐙明滅。過牆殘筴淒清。夢隨涼月繞階行。踏碎一枝華影。

憶舊游

湖樓閒望。偶成此解。不知詞之所以然。

記衫籠翠羽。袖拂烏絲。淺醉閒吟。步履西邨近。正毵毵細柳。搖颺春
陰。畫閣有人垂手。香裊繡簾深。只燕子還來。應從那日看到如今。
重尋舊游地。賸一樹櫻桃。落盡紅心。羅鞵華蟲蠹。況歌紈舞綺。事事
銷沈。莫倚夕陽闌檻。愁黛蹙遙岑。待夢繞煙蕪。娟娟月上寒又侵。

踏莎行

檳榔

雀舌斑明。麝臍香軟。并刀薄碾。夫容片。扶留蜃炭共金盤。唾絨紅暈。燕支淺。味外酸醎。閒中茗荈。苦寒忍把春酣換。如今藥裏自關心。不加餐也無人管。

又

豆蔻

蟬碧分胎。鸞黃破蕾。雙心鈿合。慙慙惠。錦書封了。又重題。問誰嘗慣。相思味。酒後吟慳。茶邊語細。口香沁夢行雲膩。冬郎蕉萃已經年。翠梢空結東風淚。

點絳脣

夜坐

小院秋清。後堂卻下葳蕤鎖。玉簪斜鞞。老桂餘香墮。總是無眠。判

得終宵坐。風吹過。一星螢火。來照淒涼我。

徵招

年來江湖詞客。子律、西齋、頻伽、相繼下世。余以多難閉門。騷屑特甚。倚聲及此。蓋不獨牙琴之悲。黃壚之痛也。

冷鷓鴣。唳落西湖月。詞人可憐俱老。玉筍總理雲。賸秋風殘照。薄游懽意少。忍重展烏絲遺藁。竹屋蕢洲。酒邊華外。黯然懷抱。愁艸拚閒門。知音絕。誰聽怨琴悽調。暗葦泣孤蛩。耿窗鐙寒峭。角巾歸去好。定還共夜臺歌嘯。醉魂遠。剪紙難招。悔相逢不早。

浪淘沙

寫悶

蘭燼斲湘屏。蛛網簾釘。林鶯捎落護華鈴。撒盡榆錢飄盡絮。春也盡星。月又上窗櫺。風又泠泠。墜權如夢不會醒。只有烏龍眠自在。綠

艸閒庭。

玉漏遲

冬夜聞南鄰笙歌達曙

病多懽意淺。空篝素被。伴人悽惋。巷曲誰家。徹夜錦堂高譙。一片氈
氈月冷。料鑿影衣香烘燠。嫌漏短。漏長。卻在者邊庭院。沈郎瘦已
經年。更懶拂冰絲。賦情難遣。總是無眠。聽到箏慵簫倦。咫尺銀屏笑
語早。檐角驚烏唳亂。殘夢遠。聲聲曉鐘敲斷。

壺中天

琴心閣書感

螺屏翠疊幾重山。淺畫憶他眉嫵。柳外斜陽華上月。都是西風吹去。
簾軸雙鉤。鏡奩單鎖。鈔牘閒情賦。瘦琴支枕。臥簫誰理塵譜。天際
望杏鱗雲。錦書不寄。涼雁鳴煙艣。我未離家心似客。愁在無人知處。

病怯燈明。因銷茶醞。灰冷夫容炷。黃昏又聽竹梢彈。碎秋雨。

燭影搖紅

讀山中白雲詞。恨西風不庇寒蟬。便掃盡一林殘葉。愴然悵觸余懷也。

鶴怨猿驚。訪鄰尋里都非舊。款門深竹一枝無。莫問堂前柳。梁燕移巢去久。土華斑蒼落半畝。煮茶院落。燒筍光陰。幾時能又。卷盡荷錢。拗蓮作寸還傷藕。不如蒲葦早飄盡。卻待秋風後。那更當歌對酒。算空留千金敝帚。向人青眼。只有西山倚闌窺牖。

秦樓月

十二月十五夜。舟過石門作。是日立春。

淒涼夕。片時春夢來無迹。來無迹。醒時難說。睡時難覓。櫓枝搖碎湖天碧。月圓偏照孤舟客。孤舟客。玉梅窗底。有人相憶。

臺城路

大雪過太湖

冷吟漸入梅華夢。悽悽雁聲催曉。溼重帆遲。波凝岸寂。碎瀉銀河多
少。天涯縹緲。正沙尾風回。柁牙雲繞。賸得瓊簫。豔詞難付小紅了。
長橋舊游在否。兩三株斷柳。曾倚孤檣。病枕支愁。征衣澣淚。誰信如
今懷抱。江湖歲杪。羨畫裏閒身。一蓑歸早。隱約遙山。睡眉休更掃。

阮郎歸

吳門寄家書

闔閭城下漏聲殘。別愁千萬端。蜀牋書字報平安。燭華和淚彈。無
一語。只加餐。病時須自寬。早梅庭院夜深寒。月中休倚闌。

滿江紅

夜泊京口

如此江山。儘容我舵樓吹簫。有誰更擊。冰夷鼓鼓。湘靈瑟。檣艣灰飛。風卷籜。英雄事去沙沈戟。問月明何處。是揚州。寒潮拍。桑海換。蛟宮泣。城市遠。鼉更澀。蕩鱗波萬頃。送迎殘客。香霧雲鬟歸夢冷。金支翠羽。諸天寂。望故園。祇在去鴻邊。無消息。

壺中天

元夜宿富莊驛

峭寒隨馬。指疏林盡處。暝投孤驛。短榻塵栖。風自掃。酒薄禁愁無力。窗紙蓬飄。鑪灰荻冷。鐙閃題詩壁。燕南趙北。可憐今夕何夕。凝想簫鼓春城。圍香倚醉。多少閒蹤迹。夢影迷離天未曉。鈴語東東催客。印月虛廊。敬梅小院。到此都休憶。長安近否。夜闌應有人說。

虞美人

鄭州作

積雲寒結燕支紫。立馬王嬙里。棗林一抹亂雅嘯。嘯到打更時候更
悽悽。紅酥手與黃滕酒。往事空銷瘦。燕姬攏袖撥琵琶。不許離人
今夜不思家。

國香慢

豐臺芍藥。豔稱北地。余未及往觀。買折枝插膽瓶。譜夷則商
一曲贈之。

一翦春明。乍艷妝倦舞。獨步瑤京。豐臺舊家。何處買斷傾城。露眼怯
風還閉。向人似中酒初醒。絲華總如夢。已是將離誰管飄蓋。惜華
心較嬾。任醪醑謝後。嗁老殘鸞。此身猶客。金屋難貯芳卿。欲託微波
贈遠恨。多情卻又無情。看看兩蕉萃。粉豔塵縑相對愁生。

清平樂

客中心緒。只怕流年去。纔見河橋飛柳絮。又是榴華端午。醉眠休

恨。嗁雅。伴人明月窗紗。歸夢不如不作。醒來依舊天涯。

鵲橋仙

涼篷

聳如樓閣。圍成簾箔。放眼全無寥廓。客心不耐十分涼。恰遮得秋陰漠漠。風聲牢落。雨聲滴沓。昨夜何曾睡著。小窗還有看殘書。幸卷了斜陽那角。

冷布

價廉難長。名虛誰辨。學作方空模樣。何勞寒女九張機。算結箇千絲越網。火雲微障。金風又掠。繭紙先應摒擋。軟紅塵裏熱人多。也不稱紗幘羅幌。

響竹

劃絲成挺。連筩作柄。樓拂輪他清勁。須知破竹有先聲。更誰許蒼蠅

縱橫。 驀過無影。轉來不定。子細窗櫺屏燈。瀟湘風韻欠些兒。怎獵
獵驚喧晝靜。

冰桶

車聲朝急。斧痕新劈。多少夏蟲驚逸。等閒忘了歲寒盟。只不過銷磨
一日。玉山敬側。凍泉淅瀝。移近槐陰藤席。底須浸手熨心頭。我本
是清涼胸膈。

買陂塘

澄懷園看荷華

問何年移根太液。冰姿隔斷塵土。輕雷塘外鳴珂散。吹盡柳隄殘暑。
天澹泞逗。葉葉新涼。扇子湖邊雨。瀛洲尺五。是綵仗分紅。宮溝沁綠。
香影漾幃戶。凌波去。按徹霓裳倦舞。無言解笑人否。碧筩冷注。蒲
萄釀中有九重仙露。留客處。任醉折華枝。容我閒漚鷺。橋灣信步。併

幾個蜻蜓。一叢紫蓼。寫入晚晴賦。

浣谿紗

京邸秋思

九陌輕塵散鈿車。五更殘夢怯悲笳。西風吹我落天涯。
象筩烏絲題影事。酒旗歌板送年華。夕陽紅到馬纓華。

憶舊游

殊鄉留滯。歸夢屢訛。寄此爲西湖魚鳥問。

是漚波寫夢。雁路尋詩。冷落江湖。問訊東橋竹。悵故人別後。一紙書
無。舊家渺渺天末。煙月老菰蒲。甚癩賦長楊。慵吹短筴。側帽騎驢。
何須怨漂泊。縱不爲鸞華。也戀尊鱸。昨夜西風緊。憶夫容江上。相喚
提壺。任教醒了還醉。心事水雲孤。待說與歸期。瀟瀟暮雨。唳鷓鴣。

掃華游

九日懷歸

鬢霜雁。緊送一陳新寒。客衣催絮。歲華易度。憶東籬喚酒。故山游侶。鬢影西風。誰訊長安倦旅。暗凝竚。正落葉滿階。滴碎秋雨。歸計多閒阻。便悶過重陽。幾時能去。錦牋寄語。倩啼螿爲我織成愁句。翠被餘醒。鄉夢何曾慣作夢中路。晚蕭蕭薊門煙樹。

壺中天

葉午生比部同年。歿於京邸。以詞哭之。午生名元墀。有海蕪軒詞。聲調嫺麗。又鄞人故擬之夢窗西麓云。

句章城郭。有便娟接舞。魂歸徠只。夢醒桃根應錯問。胡蝶可憐華底。夜壑吟孤。絳都春老。餘恨空流水。日湖賸稟。於今誰爲料理。知我已十年前。素弦彈折。更灑銅仙淚。忍倚新腔西子慢。愁落野鷗聲裏。如此江山。不容詞客。寂寞人閒世。貂裘背雪。倦游行且休矣。

點絳脣

歸舟過淮安

雪映清流。望中了了長淮樹。雁聲隨艫。重到江南路。寂寞空臺。尚有漁竿否。孤城暮。水寒風迥。早挂輕帆去。

長亭怨慢

經年雁旅。歲晚言歸。慨念平生。短歌當哭。不獨爲三徑之荒也。

更不信江南天闊。散髮行歌。敝裘寒裂。款竹門荒。翠尊金縷久銷歇。此身加葉。儘盡落何須說。若遇舊盟溫。莫訴與年來蹤迹。愁絕。對琴絲鬢影。髣髴夢游時節。玉梅綻否。怎檐角半枝枯折。恨夕陽有限。黃昏便卷盡一林殘雪。縱盼到春風容易。綠陰啼鴉。

霓裳中序第一

檢故篋見亡姬遺扇

湘筠展翠疊。冷落金泥雙睡蝶。曾伴冰肌素靨。是水榭嫩涼。桐陰微月。清歌易闕。悵麝紈同鑠吟篋。如今賸枕函鏡匣。一樣暗塵黠。悽絕。自開還摺。怕心染曉鶻淚血。經年蕉萃恨結。酒膩紅銷。粉蠹香滅。玉京人怨別。聽夜夜桃笙夢咽。傷心認飛瓊小字。忍對謝孃說。

壺中天

二十五離騷。爲千古詞人哀怨之祖。乃小山之徒。謂其文昇天乘雲。似若仙者。噫。然耶否耶。余伊鬱塊居。頗爲飄風所阨。聞有撰述。遂多悽戾之音。摺拾作此。亦將索筵尊而問之。更不願彼狺狺者見也。

天乎難問。載雲旗五色。逢迎山鬼。思折瓊枝。嗟遠道。羌與蹇修爲理。飲石泉兮。入修門些。上下悠悠只。悲哉秋氣。傷心極目千里。衆女

謠詠蛾眉。無南無北。到處機蓬矢。叢桂連蜷招隱士。歲晚淹留何事。
蘭榼菘橈。螭駝虬駕。我欲歌離世。巫咸夕降。卜居愉悅誰是。

憶雲詞丁豪自序

患難以來。人事有不可言者。癸巳下第南歸。已屆歲除。甲午春。葺燼餘老屋數椽。偃臥其中。顏曰睡隱。讀書之暇。惟仿華閒小令。自遣而已。今年正月。再上春官。此事遂廢。留京師五十日而去。還我睡鄉。始檢舊橐。次爲一卷。嗟乎。當沈頓無慘之極。僅託之綺羅薌澤。以洩其思。蓋辭婉而情傷矣。不知我者。卽謂之醉眠夢嚙也可。乙未閏六月二十一日書於睡隱。盦蕉雨聲中。

憶雲詞丁豪

菩薩蠻

擬溫庭筠

。穀。煙。籠。暝。霏。香。絮。瓊。疏。悄。度。黃。鸝。語。記。得。送。君。時。海。棠。紅。亞。枝。麝
塵。金。鈿。暝。燭。影。和。衣。卷。蘭。夢。一。春。間。枕。屏。無。數。山。粉。雲。低。襯。流。蘇
薄。鳳。窠。長。簾。金。釵。落。華。影。過。秋。千。畫。堂。人。晝。眠。錦。帆。消。息。斷。日。日
停。刀。剪。半。袖。繡。鴛。鴦。幾。時。成。一。雙。精。絲。沈。水。茱。萸。冷。輕。綃。淺。約。蝓
蟻。領。人。瘦。晚。風。天。鞦。韆。鬟。雲。兩。肩。眼。波。嬌。欲。溜。搵。溼。飛。鸞。袖。愁。理。玉
鞦。笙。一。聲。無。限。情。柳。絲。遮。斷。行。雲。路。珊珊。一。陣。橫。塘。雨。雨。後。燕。歸
梁。溼。紅。嬌。晚。妝。茜。衾。愁。不。擁。疊。損。金。泥。鳳。纔。得。夢。來。時。月。中。嗁。子
規。玉。驄。嘶。過。垂。楊。陌。停。鞭。卻。繫。朱。樓。側。和。笑。出。門。迎。嫩。霞。雙。臉。明。

粟鈿金夾膝。帶綰迦陵翼。燈燼瓊窗寒。酒醒更漏殘。綠陰鋪地
無人影。烏龍自在眠。莎徑多事卷羅幃。滿階胡蝶飛。回文挑錦字。
斜界行行淚。難話此時心。恨深愁更深。夕陽山映宮黃頰。杏華樓
外春蕪碧。華命薄如人。峭風吹作塵。日長榆影瘦。簾漾晴波縐。腸
斷揜金鋪。近來腸也無。如今不合江南住。江南處處多煙雨。煙雨
晚霏霏。冶游人未歸。犀株防膽怯。玉筍揉藍浥。愁似暗潮生。自生
還自平。轆轤金井雅。曉曉映簾紅。日梳頭早。聞道尺書來。錦牋和
淚開。如何歸計誤。南下瀟湘去。望斷艸芊絲。雁飛秋滿天。鈿箏
弦促銀簧凍。雁釵麝帶愁香重。此夕黯銷魂。月中斜閉門。冷霜凝
縹瓦。香辣秦篝炷。夢見更相思。不如無夢時。

訴衷情

鶯囀簾卷春睡短。宿醒銷愁日暮。虛度可憐宵。銀漏隔華遙迢迢。篆
鑪心字焦。卸蘭翹。

更漏子

又

薄腸纖。花骨軟。一枕淚光紅泫。愁信息。繡工夫。夢殘嗁鷓鴣。當時
錯。如今莫。情比秋羅更薄。霜裏角。月中更。行人聽不聽。

臨江仙

擬南唐後主

亂紅窳地春無主。宿寒還戀屏幃。夢中何日是歸期。玉臺金屋。空逐
綵雲飛。煙月不知人事改。夜深來照華枝。蕙鑪香燼漏聲遲。闌珊
燈火。殘醉欲醒時。

山華子

擬和凝

醉纈紅綃約翠鈿。碧蘿籠月伴秋千。今夜新寒。分一半到郎邊。蠻蠟同心搖翠幌。蜀箏纖手撥朱弦。學轉春鶯渾不似。似嗁鶻。

采桑子

又

鏤金蹙霧紅衫薄。妝罷嫌遲。出繭雙眉。不遣春愁露一絲。粉牋銀沫雲藍滑。待寫新詞。半餉尋思。閒教丁香畫雀兒。圍碁雙陸無人對。自理牙籤。卻展香奩。又是銷魂昔昔鹽。春心滴碎薔薇雨。遲日淹淹。酒病新添。燕蹴飛華喚卷簾。

浣谿紗

擬韋莊

簾軸花陰晚日趨。纖纖蹙損遠山螺。箇人歸計太騰挪。莫待柳絲

吹作雪。可憐桃葉去隨波。無情無緒奈春何。
藕葉風多四面吹。素馨香重兩鬟垂。簾紋如水漾
罌兒。偏易晚。不曾午睡又難支。可能消受夜涼時。

道是日長

新月娟娟孕綺霞。征鴻貼貼下平沙。已涼天氣好思家。
空渡鵲。厭聽金井亂啼鴉。夢魂尋不到天涯。

悵望銀河

又是同雲釀雪天。獨兒嫌冷喚愁眠。爲郎蕉萃有誰憐。
金縷曲。繡衾虛費水沈煙。不應忘了過新年。

檀板倦翻

清平樂

又

驀然如醉。曼枕和衣睡。卻憶去年今日事。畫燭替人垂淚。
舊房攏。麝帷寒減香筒。賸得一枝梧葉。能禁幾日秋風。

月明依

浣谿紗

擬薛昭蘊

荇帶牽風作晚涼。柳絲拖水溼斜陽。平林漠漠遠煙黃。
雙槳送人何處去。最無情是櫂船郎。兒家不合近橫塘。
半臂銀蟬韻字紗。兩鬟鈿翠粉雲斜。紅絲穿淚沁琵琶。
幾日綠窗閒睡穩。不知開到玉簪華。病來簾外是天涯。

夢江南

擬牛嶠

銜泥燕。依舊小腰身。尋徧雕梁栖未穩。杏華盡落一階塵。難問去年人。
紅繡被。錦段是誰裁。象齒熏鑪寒不擁。夜深留待夢魂來。推枕落瓊瑰。

西谿子

又

聽說歸期春半。愁黛兩蛾新展。隔簾攏風弄暝。吹酒醒。瞥見一枝紅影。海棠開。不會來。

醉花間

擬毛文錫

愁君去。看君去。君去誰留住。明日一帆風。不見長干樹。曲廊攜手處。後會知能否。除了莫相思。那有閒言語。書難寄。恨難寄。難寄盈盈淚。判作負情人。翠被籠香睡。舊懽應忘記。驀地還提起。秋雨五更頭。冷在心兒裏。

三字令

擬歐陽炯

寒食近。燕歸遲。下羅帷。閒繡。罷彈碁。柳惺忪。華黯澹。月生時。臨

別語。寄來詩。自追思。銀燭背。斂蛾眉。七弦心。雙枕淚。有誰知。

醉公子

擬顧夔

燕踏簾鉤語。郎躍紅鴛去。待到月朧明。數殘更點聲。枕蟬銀縷細。積髻香雲膩。一夜苦相思。怎禁離別時。

訴衷情

擬魏承班

細鉤碧縷隱輕雲。纖纖新月痕。落徑滑。步香塵。華影弄黃昏。空憶比肩人。見無因。藤絲偷罨砑羅裙。暗銷魂。

後庭華

擬毛熙震

銀雲櫛櫛明瑤殿。玉壺傳箭。羊車夢逐簫聲遠。桂宮宵讌。舞鸞鈿

匣。曉。妝。法。翠。衾。羅。扇。題。紅。莫。訴。秋。風。怨。忍。教。人。見。

酒泉子

擬李珣

獨上層樓。燕伴黃昏鶯伴曉。錦甃飈。金了鳥。鈿篋。寒重。睡香小。鴨蘭膏凍。有時思。有時夢。有時愁。

桃華月淺春

生查子

擬孫光憲

懶起整妝遲。悶繞闌干徧。經雨小桃枝。盡落春風面。扇。繡榻凝塵滿。只得一絲情。難繫郎心轉。

鈿蟬箏。金雀

謁金門

又

留不得。留也不過今日。今日雲帆天咫尺。明朝何處覓。

江上潮平

風急。吹斷幾聲殘筴。獨倚小樓寒側側。欲眠燈又黑。

胡蝶兒

擬張泌

胡蝶兒。小腰支。粉香薰落翅雙垂。晚風簾卷遲。命短春三月。華寒瘦一枝。可憐不到夢醒時。斷腸君不知。

柳枝

又

抱月飄煙一尺腰。掌中嬌。晚出閒庭整翠翹。摘紅蕉。珠露穿絲交。影細蜘蛛墜。尋思七夕是今朝。轉無憀。

應天長

擬馮延巳

枕屏生綠山眉展。薄睡起來微帶倦。鶉聲喚。鶯聲怨。華落絮飛春不

管。宿妝臨鏡懶。閒了粉奩香奩。道是愁深病慣。如何心緒亂。
南歌子

做溫尉體詠燭簾香鏡

對面嫌光偏。回身見影單。華落小屏寒。寸心灰欲盡。淚闌干。
華影層層碎。鑪煙細細吹。誰織恨千絲。只愁遮不斷。兩相思。
茜被何曾暖。銖衣爲底熏。一縷博山雲。曉風吹得散。是離魂。
有分知儂瘦。何時共汝圓。妝罷黯留連。可憐空見慣。意難傳。

浣谿紗

誦阿灰黃昏微雨之句。感而作此。

愁研雲藍賦惱公。如今骨出似飛龍。四年惆悵杏華紅。天上人間
春寂寂。東鷁西鷁去恁恁。相思無益悔相逢。

浪淘沙

題李後主詞後

樓上五更寒。風雨無端。愁多不柰一生閒。莫問畫堂南畔事。如此江山。鉛淚洗朱顏。歌舞闌珊。心頭滋味只餘酸。唱到宮中新樂府。杜宇啼殘。

采桑子

讀金荃詞題後

豔詞空冠華閒集。不上雲臺。卻上陽臺。一讀南華事事乖。謝郎折齒狂猶昔。紅粉成灰。蠟炬成灰。賸得閒情賦錦鞵。

憶雲詞刪存

補遺詩詞附

齊天樂

雨後游理安寺

夢中記得登山約。風聲雨聲催醒。出郭濃陰。平隄新漲。此去柴桑邨
靜。寺門深迥。賸滿地蒼雲。馬蹏不穩。人語吹來。重樓高倚萬松頂。
還向虛亭坐久。聽泉穿徑竹。塵念都冷。猿定安禪。鳥啼入梵。只有老
僧心領。經牀試茗。卻回憶年年。總孤清景。猶是尋詩。一鐘煙外暝。

如夢令

挑夜翦燈聽雨。簾卷落紅飛處。那更替華愁。春要舍將人去。無緒無
緒。一院殘鶯新絮。

秦樓月

憶雲詞刪存

補遺附

梳頭曲

玉人梳洗臨窗閒。臨窗閒。柳華飛過。一陳輕寒。簪雙鬟。水晶簾下眉彎彎。眉彎彎。夜來新月。畫與郎看。

海棠折得

浣谿紗

虛說盧家白玉堂。可憐三十六鴛鴦。誰將消息報王昌。

曉夢怕逢

醉太平

雲邊露鐘。華邊絮風。月華初轉樓東。卻彎彎一弓。題書淚紅。緘書恨重。醉魂飛出簾櫳。到卿卿夢中。

齊天樂

重陽得小鶴從叔都門信

山城幾夕無風雨。依然悶過重九。鞠冷荒畦。橙香小院。客裏暗驚時

候。茱萸插否。問今日登高。共誰攜手。空有書來。加餐兩字置懷袖。
江南歸夢路遠。吳霜新點鬢。休更搔首。銅輦秋吟。金盤曉淚。相見定
憐詩瘦。微聞別後。困京洛緇塵。壯游非舊。事事銷除。不銷除是酒。

清平樂

題客窗話雨圖

雁紅蟬碧。涼雨生秋夕。畫裏雲山天咫尺。都是倦游蹤迹。少年銀
燭詞樓。如今襍被孤舟。皴得一痕煙墨。不知多少離愁。

摸魚子

庚辰歲暮。同人議復巢居閣。明年二月落成。送林先生象入
祀閣下。許玉年乃穀以詞紀事。予亦繼聲。

幸先生移居未遂。孤山終屬和靖。玉簪也抱冬青恨。名士幾人心冷。
還試省。記凍雨荒祠。遺象今誰認。重來繫艇。怪梅隴栖雲。鶴闌占水。

倒浸一樓影。巢居閣。結屋編籬。猶定。小窗邀我同凭。他年野志搜
嘉話。見有君詞爲證。都莫問。且倚醉臨高。酒薄風吹醒。暗香半嶺。正
清磬初圓。畫船催散。月到萬華頂。

百字令

擘橙

清芬透甲。記新橙初擘。去年時候。只怕怱怱秋又老。籬菊滿園鋪繡。
雨後曾移。霜叢小摘。攜得香盈袖。有人消渴。夜寒猶殢杯酒。應怪
酸也如梅。黃纔勝橘。搓了還重臭。慣識書生滋味冷。齒軟不禁眉皺。
卻到而今宿醒自解。誰管吟詩瘦。并刀似水。破來長憶纖手。

臨江仙

題畫

暝色一川誰管領。落霞點破空明。枳籬開處釣船橫。晚涼荷葉浦。微

雨豆華棚。載酒江湖無長物。藥鑪詩卷茶鐺。此生定與白漚盟。浮
家秋水闊。歸夢曉雲輕。

女冠子

閨中禮佛詞

戒香溫鼎禪味。近來新領未眠時。燭影穿幃細。經聲出院遲。但求
無障礙。同證有情癡。一段閒中意。月明知。

滿江紅

九月十四晚。乘月過虎跑。憩小池上。見寺門未闔。閒步近客
堂。有皂衣高冠者。呵禁甚厲。問老僧知當軸諸貴人。譙兩試
官於此。始憶城中放榜又三日矣。一笑紀此。

獨有常娥。不笑我。青衫依舊。正相伴。寺門乞茗。野橋沽酒。小隱竟成
丁令鶴。學仙羞逐淮王狗。趁夜涼來叩遠公房。驚而走。蓮座倨。蠻

獅吼。松徑僻。驕驄驟。只維摩病瘠。見人搖首。身賤自遭奴隸薄。心閒
好與谿山友。怪秋墳鬼聽。忽擲榆。顏之厚。

清平樂

題倦繡圖

無端懊惱。窗外鶯啼曉。懶去蹋青遲鬪艸。門掩東風春老。繡絨唾
上華枝。紅牋寫徧新詞。想是懨懨酒病。被人喚作相思。

徵招

題錢蕙窗丈桐槐舊館圖

茶煙半榻書連屋。幽深別開池館。柳下慣維船。記柴門曾款。陂塘秋
未老。正風裏露華香滿。幾蹋槐華。幾題桐葉。鬢絲偷換。金粉憶南
朝。移家後。定有新詩盈卷。高閣枕江流。卷濤聲不斷。夢游思往事。儘
分付傳神翠管。寫故園一片斜陽。怕暮雅嗁亂。

齊天樂

癸未六月。送葛秋生偕許訊岑之吳中。卽爲秋生題橫橋唸館圖。兼屬訪王子若消息。蓋圖爲子若玉年合作也。

湖山不醒笙謔夢。離觴又催南浦。聽鼓官津。聽鐘野寺。聽到垂虹風雨。荷鄉未暑。有丁卯同舟。載將詩去。賸我無聊。登高懷遠更唵苦。橫橋誰念舊侶。城南天尺五。今日韋杜。鼃禁移家。漚波泛宅。一樣年年羈旅。爲君細數。算楚尾吳頭。倦游重賦。問訊王郎別來相憶否。

清平樂

集句贈別

倚闌凝佇。點點飛紅雨。欲減羅衣寒未去。寂寞朝朝暮暮。桃源落日西斜。畫橋平接金沙。春水無風無浪。行人一擢天涯。

摸魚子

再詠柳

正蕭疏冷楓吹盡。驚寒又掠江渚。舊時青眼曾相識。可惜年華遲暮。君看取看隄上高樓。紅袖還凭否。離愁滿樹。騰冉冉斜陽。羅羅遠水。點點暝雅去。春前怨。誤向章臺夢雨。綠窗多少人妒。如今羞見東風面。悔不學他飛絮。隨陌路。吹散了漫天漫地無尋處。斷魂幾許。只燕燕鶯鶯。者回重到。定訴此情苦。

金縷曲

天瘦集題詞

夢斷霓裳闕。是天風忽然吹下。廣寒宮闕。銀浦流雲三萬頃。誤了兩番游歷。問靈藥偷來何益。青女素娥齊掩泣。痛文簫不上神僊籍。明鏡碎。寶釵折。星房想更添愁絕。望人間霜零刺骨。雨飛成血。縱有羲和知此意。一夜玻璃敲缺。已難抵今生離別。回首玉京樓十二。賸

年年淚灑關山月。千古恨。幾時雪。

又

題顧小巖江鄉春醉圖。小巖。名安。蘇州人。曾任南河百夫長。去官二十年矣。今居阜河隄畔。貫逆旅以止行客。性嗜酒。酒酣。輒憶故鄉。自言異日幸醉死。當埋我靈巖山下。因以此圖爲息壤云。

白髮三千丈。正江鄉春風幾日。鸞華無恙。斷送一生惟有酒。獨撥牀頭新釀。算未改沈雄跌蕩。馬稍不教兒輩學。悔當年誤作封侯想。髀裏肉。撫還長。長安結客心猶壯。向鏡前吳鉤細看。楚歌重唱。說盡平生肝膽事。只有故園難忘。寫容我再來攜杖。若使劉伶真醉死。怕靈巖山水都惆悵。先寫在。畫圖上。

南鄉子

爲葛翁題寒邨買醉圖

山鳥勸提壺。拍手羣兒笑老夫。短髮行謔誰是伴。蕭疏只有風前柳
一株。醉倒不須扶。明日頭銜署酒徒。細雨城南泥滑滑。歸與且喚
僧繇畫作圖。

臨江仙

秋閨卽事

一架牽牛華褪了。日長亭院秋清。雲羅低抹遠山青。疏疏小雨。涼透
木犀屏。薄睡起來添半臂。夕陽又照西櫺。更無人會此時情。自鈔
宮譜。閒品玉鞞笙。

點絳脣

春盡日

一樣春風。杜鵑催促鷺留戀。落華如翦。吹滿閒庭院。
南陌東城。到

此芳情減。朱門揜。雙雙歸燕。怕有人愁見。

菩薩蠻

戲仿元人小令

夜來風似郎蹤惡。曉來雲似郎情薄。窗外柳飛絲。問郎心那邊。誓盟全是假。只合將華打。見面說相思。知人知不知。

右詞二十三闋。從憶雲詞初刻本刪存鈔補。

摸魚子

題秋江采魚圖

染空青垂垂細柳。柳絲繫夢多少。釣竿欲拂珊瑚樹。忍向江湖終老。留畫橈。有詞客關情。淚滿池塘艸。煙昏露曉。怪妙筆通靈。飛鴻一去。難認舊時爪。誰收拾。錦軸籤題尙好。竹林小阮重到。易珪還硯尋常事。翰墨因緣易了。休懊惱。記出水芙蓉。曾寫黃筌照。遺蹤未杳。倩

漁弟漁兄。尋消問息。相見共傾倒。

洞仙歌

題湯德媛

嫩玉

寒閨病趣圖

玉梅三九。尙懨懨嬌困。疏了細匳木瓜粉。倚熏籠微暝。藥椀濃香。應未減較帖量茶風韻。起來呼半臂。擁鼻沈吟。雪意垂垂幾時準。閒煞畫眉人。淺惜輕憐。寫多少無題詩本。且莫任雙鬟拓紗窗。禁不住黃昏峭寒一陳。

右詞二闕。從汪小米

遠孫

所編清尊集鈔補。

感懷四首

豈有高軒客過門。小庭華落自朝昏。黃金盡後餘詩債。白袷閒來賸酒痕。文字祇今工作祟。故人幾輩待招魂。不知眉黛療飢否。且著相如犢鼻褌。

人物難居第一流。十年磨劍未封侯。虛聲偶作陳驚座。佳句終輸趙倚樓。已爲畫眉遭衆嫉。祇知入胯被人羞。眼前豎子成名早。七尺車還擁八騶。

一代宗風小唱提。幾人身到浣華谿。才麤誤解三更棗。心熱空思六月齋。擬判此生同涸鮒。可憐公等亦醯雞。笑顰盡覺東施好。今日風流不屬西。

釧動華飛久悟禪。填詞奉旨更何緣。經過碧海人疑月。悵望紅牆路隔煙。篋裏有文羞罵鬼。枕中無藥悔求仙。勞勞誰是憐君者。悽絕吳興沈下賢。

右詩四首。從吳仲雲尙書振域所編杭郡詩續輯鈔補。

西谿晚宿

西堰梅華路。夕陽谿水明。下帷延竹色。倚枕聽松聲。小市人煙遠。疏

林鳥夢清。倏然絕來往。門外月華生。

湖上卽事

孤嶼平隄接。重城一水環。湖明疑浸日。雲薄不遮山。穉柳如人弱。嗁鶯笑客閒。畫船乘兩槳。酩酊載春還。

秋夜寄遠

華遠靜冥冥。秋聲已滿庭。風連萬戶竹。月澹一池星。夜永鐙先盡。窗寒酒易醒。南飛有征雁。寥落不堪聽。

右詩三首。從潘驛岑學使衍桐所編輯軒續錄鈔補。

葛秋生橫橋吟館圖。予既填臺城路一闕於卷尾。卽席復成小詩書後。

獨留蹤迹白漚知。載酒江湖定幾時。此去幸無千里隔。論文已恨十年遲。坐中我亦秋風客。畫裏君徵舊雨詩。最苦橫河橋畔柳。如今多

少折殘枝。

右詩一首。從葛秋生慶會橫橋吟館圖卷鈔補。

過性上人蘭若

得聞來問訊。便覺老僧忙。琴爲緇經廢。茶因覓句嘗。引泉通野圃。移竹放斜陽。了悟無生理。看雲臥石牀。

無題

春風吹柳色。綠到武昌城。鏡裏蛾眉改。書來馬角生。別多愁有路。境苦夢無情。君看彈碁局。應知心不平。

題南湖慧雲寺

昔年歌舞地。今奉水仙王。老樹依官道。殘碑立夕陽。西湖幾興廢。南內久蒼涼。猶賸前朝寺。梅花莫斷腸。

右詩三首。從氏丁八千卷樓鈔本鈔補。

重刻憶雲詞書後

先生姓項氏。名廷紀。鄉舉名鴻祚。字蓮生。道光壬辰舉人。幼失怙。艱苦力學。弱歲已有聲庠序間。性沈默。寡言語。不樂與人酬酢。每同輩狎集。終日無一言。微笑而已。喜填詞。奉花閒爲宗旨。以爲詞之有晚唐五代。猶文之先秦諸子。詩之漢魏六朝也。故所著小令。抑揚抗隊之音。獨擅勝場。蓋浸淫於此久矣。憶雲詞丁稟一卷。皆擬韋昭薛昭蘊諸人之作。循繩引墨。不失累黍。先生嘗語人曰。予詞可與時賢角一日之名。其自負如此。嗣以家燬於火。奉母北行。途次母與姪皆殞於舟中。號擗旋里。幽憂之疾。因此益深。旣領鄉薦。再上春官。不得意。歸卽病。病遂不起。此道光乙未秋閒事。年才三十八歲。噫。天酷斯人。亦云至矣。自訂憶雲詞甲乙丙丁四稟。亂後。故籍灰燼。從臧書家銳

意搜索。僅得甲乙。而無丙丁。十數年來。徧覓不可得。近始於閩中展轉傳錄。若有冥契焉。解衣得珠。爲之狂喜。亟付手民。遂吾初願。先生所著詩無端集。近更無可問津。先後鈔存十餘首。憶雲詞初刻。刪存詞二十餘闕。未刻詞兩闕。零璣寸羽。尤足寶貴。茲增刻於詞集之後。并從汪氏所藏東軒吟社圖摹先生象冠於首。俾後之學者知所瞻慕焉。光緒癸巳八月。仁和許增邁孫謹識。時年政七十。

編主五雲王

編初成集書叢

詞 雲 憶

遺補詞詩附

中華民國二十六年十二月初版

撰 者 項 廷 紀

發 行 人 王 雲 五
長 沙 南 正 街

印 刷 所 商 務 印 書 館
長 沙 南 正 街

發 行 所 商 務 印 書 館
各 埠

(本書校對者 陳忠杰 龍旭光)

周

